

Ambasador Wnendt završava svoj mandat u Bosni i Hercegovini

Viši zamjenik visokog predstavnika ambasador Werner Wnendt došao je u Bosnu i Hercegovinu u augustu 2003. godine, i napušta BiH krajem aprila ove godine. Ambasador Wnendt preuzet će dužnost šefa Misije OSCE-a na Kosovu. Nova osoba će ubrzo biti imenovana na njegovu funkciju.

Visoki predstavnik želi zahvaliti ambasadoru Wnendtu na važnom doprinosu i predanosti sa kojima je radio na mnogim pitanjima, uključujući povratak izbjeglica, izgradnju i jačanje domaćih institucija, reformu obrazovanja i reorganizaciju oružanih snaga i obavještajnog sektora u BiH. Nakon donošenja Statuta Grada Mostara, ambasador Wnendt je u svojstvu specijalnog izaslanika za Mostar odigrao ključnu ulogu u procesu restrukturiranja Grada Mostara. "Doista cijenim izuzetnu odanost i opredijeljenost ambasadora Wnendta Bosni i Hercegovini i procesu reformi. Iako žalim što će nas ambasador Wnendt napustiti, želim mu sve najbolje u obavljanju novog posla u svojstvu šefa Misije OSCE-a na Kosovu", rekao je visoki predstavnik.